

《南州六月荔枝丹》诗文资料 PDF转换可能丢失图片或格式，建议阅读原文

https://www.100test.com/kao_ti2020/61/2021_2022__E3_80_8A_E5_8D_97_E5_B7_9E_E5_c38_61193.htm 荔枝[明]陈辉南州六月荔枝丹，万颗累累簇更团。绛雪艳浮红锦烂，玉壶光莹水晶寒。高名已许传新曲，芳味曾经荐大官。乌府日长霜署静。几株斜覆石栏杆。荔枝图序[唐]白居易荔枝生巴、峡间，树形团团如帟盖，叶如桂，冬青；花如橘，春荣；实如丹，夏热。朵如葡萄，核如枇杷，壳如红缯，膜如紫绡，瓤肉莹白如冰雪，浆液甘酸如醴酪。大略如彼，其实过之。若离本枝，一日而色变，二日而香变，三日而味变，四日五日外色香味尽去矣。元和十五年夏，南宾守乐天命工吏图而书之。盖为不识者与识者而不及一二三日者云。看荔枝[北宋]邓肃荔枝有佳品，乃在府城东。我来方秀发，红云几万重。遥知香味色，已具碎花中。凭栏一念足，不食意自充。人世如梦耳，当体色即空。谓是为真实，便可侑千钟。谓是为非实，真饱亦何从。虚实两无有，楼高雨。过清华宫绝句（其一）[唐]杜牧长安回望绣成堆，山顶千门次第开。一骑红尘妃子笑，无人知是荔枝来。宣和殿荔枝赵佶密移造化出闽山，禁御新栽荔枝丹。玉液乍凝仙掌露，绛苞初结水晶丸。酒酣国艳非朱粉，风泛天香转蕙兰。何必红尘飞一骑，芬芳数本座中看。新荔篇并序[明]文征明常熟顾氏自闽中移荔枝数本，经岁遂活。石田使折枝验之，翠叶，然不敢信也。以示闽人，良是。因作《新荔篇》命璧同赋。锦苞紫膜白雪肤，海南生荔天下无。盐蒸蜜渍失真性，平生所见唯萎枯。相传尤物不离土，畏冷那得来三吴。顾家传来三四株，桂林翠幄森森殊

。远人无凭未敢信，持问闽士咸惊呼。还闻累累生数子，绛
绡裹玉分明是。未论香色果如何，只说形模已珍美。千载空
流北客涎，一朝忽落馋夫齿。白图蔡谱漫夸张，文饰宁如亲
目视。饱啖只于乡里足，鲜尝渐去京师迹。不须更作岭南人
，只恐又无天下。朝来自讶还自疑，事出非常有如此。虽云
远附商船达，不谓滋培遂生活。始知生物无近远，故应好事
能回斡。卉物聊占地气迁，造化竟为人事夺。仙人本是海山
姿，从此江香亦萌孽。由来沃衍说吾乡，异品珍尝曾不乏。
不缘此物便增重，无乃人心贵希阔。福山杨梅洞庭柑，佳名
久已擅东南。风情气味不相下，称绝今兼荔枝三。惠州一绝[
北宋]苏轼罗浮山下四时春，卢橘杨梅次第新。日啖荔枝三百
颗，不妨长作岭南人。 100Test 下载频道开通，各类考试题目
直接下载。详细请访问 www.100test.com